

菊坡叢話

菊坡叢話卷之十五

哀謚類

張子厚橫渠先生卒門人欲謚爲明誠中子以贊明道明道以問溫公溫公復書曰子厚平生用心欲率世人後三代之禮郊特牲曰古者生無爵死無謚爵謂大夫以上也檀弓記禮所由失以謂士之有謚自孫賁父始子厚官比諸侯之大夫則宜謚矣然曾子問曰賤不謚貴初不謚長禮也唯天子稱天以諱之諸侯相諱猶爲非禮況弟子而諱其師乎孔子沒哀公諱之不聞弟子復爲之謚也今諸君欲謚子厚恐不合於古禮非子厚之志與其以陳文範陶靖節王文中孟貞曜爲比其尊之也曷若以孔子爲比乎

程明道以詩哭之曰歎惜斯文約共脩如何夫子便長休  
東山無復蒼生望西土誰供後學求千里聲名際穠華二  
年零落去山丘竇門痛哭知何限豈獨交親念舊遊  
言

行錄

前輩嘗說北狄致祭皇后捧持有祭文一封及楊大年開讀  
乃空紙無一字隨自撰曰惟靈巫山一朵雲闌苑一團雪  
桃源一枝花我空一輪月豈期雲散雪消花殘月缺伏惟  
尚饗仁朝大喜其才敏給有壯國體又如洪忠宣公自嶺  
外徙宜春沒於保昌張子韶致祭其文但云某年月日具  
官某謹以清酌之奠敢昭告于某官之靈嗚呼哀哉伏惟  
尚饗庶幾深美其情哀愴乃過於詞二者事情相類要之

詞意渾含言語脫俗此尤倉卒之所難也

登堂叢書

樞府出知越州又移知鄞州其薨也坡公作挽詞云被褐曾  
陳定羌策汗青猶著立儲書春風澤國吟箋落夜雨溪堂  
宴豆踈前輩詩不獨語句精練且是著題

許彥周詩

東坡死李方叔誄之曰道大不容才高爲累皇天后土知平  
生忠義之心名山大川還千古英豪之氣可謂簡而當矣  
晁無咎死張文潛銘之曰車堅馬良不得出門策爲駕朽  
道上紛紛茲可悲耶

天寶末祿山陷西京大搜文武朝臣及宮嬪樂工得梨園弟  
子數百人大會於凝碧池梨園舊人不覺淚下羣逆露刃  
脅之而悲不已有雷海青者投器于地西向痛哭被友群

于庭時王維被拘於菩提寺賦詩曰萬戶傷心生野烟日  
僚何日再朝天秋槐葉落深宮裏凝碧池邊奏管絃他日  
緣此詩不死然愧於雷海青多矣

珊瑚鈞詩話

賈浪仙哭柏岳和尚詩云苔覆石床新吾師占幾春寫留行  
道影焚却坐禪身塔院閑松雪房門鎖隙塵自嫌双淚下  
不是解空人六一居士詩話云此詩焚却坐禪身時人謂  
之燒殺活和尚真可笑也

范文正公鎮越有戶曹孫居中卒子幼家貧公助之以俸錢  
百緡治巨舟差老衙校送歸作詩一絕云十口相携泛巨  
川來時煥熱去淒然閑津若要知名姓便是孤兒寡婦船  
戒其吏曰過閑津但以吾詩示之

陳后山作魯南豐先生挽詞二首早弃人間事真從地下遊  
丘原無起日江漢有東流身世從違裏功言取次休不應  
須禮樂始作後陳仇昔文中子謂魏徵及房杜曰先輩雖  
聰明特達然非董薛陳仇之比雖逢明主必愧禮樂按程  
元仇璋皆文中子高弟后山自謂其才本不及程仇不待  
議禮樂而判優劣也又詩云精爽圓長夜衣冠出廣庭勲  
庸留琬琰形像付丹青道喪餘篇翰人亡更典刑侯芭才  
一足白首太玄經揚雄傳鉅鹿侯芭嘗從雄受太玄法言  
此二詩后山感南豐之薦引未遂而遷亡故其詞深切  
后山又丞相溫公挽詞三首其一恭默思良弼詩書正百工  
事多違謝傳天還奪揚公一代風流盡三師禮數崇若無

天下議美惡併成空其二云百姓歸周老三年持魯儒俗  
方隨日化身已要人扶玉几雖來晚明堂訖後圖心知死  
諸葛終不羨曹蜍山谷見此詩嘆曰陳三真不可及蓋天  
不憖遺之悲盡於此矣世談載庾道季曰廉頗藺相如雖  
千載凜々尚有生氣曹蜍季志雖見在厭々如九泉下人  
其三云少學真成已中年託著書輟耕扶日月起廢極吹  
噓得志寧論晚成功不願餘一為天下慟不敢愛吾廬溫  
公平日之學以誠為本誠者所以成已而成物也又著通  
鑑一書后山述其實事作挽詩要如此方是

至元丁丑以來十數年間寫家零落殆盡祖墳蕪穢吊祭不  
至自不忍言誰謂其禍又有出於思亭記之外者近有一

士人見一名家出賣祖墳不勝其憤夜題詩於墻壁次日  
觀者如堵賣者買者皆有愧色議中寢吾讀其詩語直而  
切以其有益於風教故錄于此庶可為世俗之戒也詩曰  
人家擇風水子孫百世計誰知後來者反賣祖宗地商量  
黃夜掘醉後樂書契賣者固非人買者亦惡類其地若果  
佳其家長富貴其人賣至此其地必不利他時出子孫斷  
是效此例惜曰異姓強造物豈私意棺存且暴露無者骸  
骨棄後代轉日貧何時可埋瘞安知泉下人啻冤不訴帝  
勿謂天茫人禍患恐立至有人心者宜於此焉變矣

堅續志

潘邠老與東坡絕句十四首其最盛傳者云元祐絲綸兩漢



前典刑竟得寵光宣裕陵聖德如天大誑道微臣敢議天  
公與文忠從遇諛之人有口直須緘聲名百世誰常在公

與文忠北斗商

東萊詩話

詩之用事不可牽強必至於不得不用而後用之則事辭為  
一莫見安排闕湊之迹蘇子瞻作挽詩云豈意日斜庚子  
後忽驚歲在巳辰年此乃天然不假人力溫庭筠詩又云  
風捲蓬根屯戊巳月移松影守庚申兩語本不相類但其  
題云與道士守庚申時聞西方有警事邂逅適然固不可  
知然以其用意附會觀之亦蔽於用事之弊也前輩詩才  
亦或預為儲蓄然非所當用不可強出余嘗從趙德麟假  
陶淵明集蓋子瞻所閱者特有改定之字未半題兩聯云

人言盧杞是好邪我輩魏公真嫵媚又槐花黃舉子忙促  
織鳴鵲婦驚不知偶書之耶或將以為用也後子瞻詩不  
見此語固無意必用矣王荊公作韓魏公挽詞云木稼曾  
聞達官怕山頽今見哲人萎或言亦是平時所得然魏公  
之薨是歲適雨水水前一歲華山崩偶有一事故不覺耳  
石林詩話

李文正公進永昌陵挽歌辭云奠玉五回朝上帝御樓三度  
納降王當時群臣皆以公詩最為首出所謂三降王者廣  
南劉鋹西蜀孟昶及江南李後主是也若五朝上帝則誤  
矣太祖建隆盡四年明年初郊改元乾德至六年再郊改  
元開寶五年又郊而不改元九年以平江南四月大雪告

謝于京師蓋執玉祀天者實四也李公當時人必不謬乃傳者誤云五 六一詩話

孟昭圖唐末為左拾遺上疏論事坐貶田令孜遣人授之墓頤津後人祠之裴微吊以詩云一章何罪死何名千載惟君與屈平從此蜀江烟雨夜杜鵑應作兩般聲

曾子開上王荊公墓詩曰天上龍胡斷人間鵬鳥來未應誰水竭所惜泰山頽華屋今非昔佳城閉不扉白頭門下士悵望有餘哀力萬里云諸曾皆出王半山門下山言亦恐太過元祐時王氏在金陵寂寞張芝叟名焯民詩亦譏之紹聖而後紹述禍作乃漸張大以至南渡乃少損耳

挽詩今作者極多求如古作者無幾設錄數首杜子美哭長  
孫侍御詩云道為詩書重名因賦頌雄禮闈曾擢桂憲府  
舊乘驄流水生涯盡浮雲世事空惟餘舊臺柏蕭瑟九原  
中○白樂天哭皇甫七郎中湜詩云志業過玄晏詞章似  
祢衡多才非福祿薄命是聰明不是人間壽還留身後名  
涉江文一首便可敵公卿元注持正奇文甚多涉江一章  
尤出衆

賈島哭孟郊詩云身死聲名在多應萬古傳寡妻無子息破  
宅帶林泉塚近登山道詩隨過海船故人相吊後斜日下  
寒天方云凡哭友詩當極其哀彼生而榮者雖哀不宜過  
也如孟郊之死此詩三四所道人忍聞乎併尾句味之至

矣郊無子而唐史謂鄭餘慶與其妻子豈後亦立鄆郢之  
子為子耶

姚合哭賈島詩云杳々黃泉下嗟君向此行有名傳後世無  
子過今生新墓松三尺空階月二更從今舊詩卷人覓寫  
應爭此詩言島無子而曹松吊賈島詩云先生不折桂詢  
去抱何冤已葬離燕骨難招入劍菴旅墳低却草稚子哭  
勝猿冥漠如搜句宜邀賀監論此詩又云稚子哭勝猿是  
悼賈島有子勝孟郊也

劉後村挽陳師復寺丞詩云已奏發封墨尚新又撝袖疏擯  
前陳小臣憂國言無隱先帝如天笑不嗔闕下舉播空太  
學路傍卧轍幾遺民愚儒未解天公意偏壽他人夭此人

此詩平穩意巧

范石湖嘗壽藏之地作詩云家山隨處可松揪荷鍾携壺似  
醉劉縱有千年鐵門限終須一箇土饅頭三輪世界猶灰  
劫四大形骸強首丘蝼蟻烏鳶何厚薄臨風撫掌菊花秋  
及得壽藏於先隴之旁又作詩云密邇松楸地一隅會心  
何必問青烏亢宗雖媿鎮公子沒世尚從先大夫京兆漢  
阡賢聞望邢山鄭冢儉規模家庭遺訓煮蒿在不學邠鄉  
畫古圖自古皆有死此二詩可謂達矣

陶淵明擬挽歌辭云有生必有死早終非命促昨暮同為人  
今日在鬼錄魂氣散何之枯形寄空木嬌兒索父啼良友  
撫我哭得失不復知是非安能覺千秋萬歲後誰知榮與

辱但恨在世時飲酒不得足胡茗溪云淵明作擬挽歌辭  
凡三章今錄其一秦太虛亦效之余謂淵明之辭了達太  
虛之辭哀怨有不同耳

秦少游自作挽詞云嬰毀徙窮荒茹哀與世辭官來錄我  
吏來驗我屍藤束木皮棺藁葬路傍陂家鄉在萬里妻子  
天一涯孤鳧不敢歸惴惴猶在茲昔忝柱下史通籍黃金  
闥奇禍一朝作飄零至於斯弱孤未堪事返骨定何時備  
途繞山海豈免從閻維荼毒復荼毒彼蒼那得知歲晚瘴  
江急鳥獸鳴聲悲空濛寒雨零慘淡陰風吹殞官生蒼蘚  
紙錢挂空枝無人設薄奠誰與飯黃縗亦無挽歌者空有  
挽歌辭胡茗溪云東坡歲在庚辰六月二十五日與秦少

游別於海康意色自若與平日無少異而少游自作挽詞  
一篇人或怪之坡謂其齊生死物我戲出此語其言過  
矣此言惟淵明可以當之若少游者情鍾世味意恋生理  
一經遷謫不能自釋遂快忿而作此詞豈真若是乎 魚  
隱叢話

宋神宗皇帝天性儉約奉慈壽宮尤盡孝道慈聖太后嘗以  
乘輿服物未備因同天節作珠子鞍轡為壽神宗一御於  
禁中後不復用一日與兩宮幸後苑賞花慈聖登至神宗  
即降步親扶屢却不從聞者太息慈聖上仙李奉世時為  
侍郎進挽詩有云珠韉昔御恩猶在玉輦親扶事已非諡  
紀此二事神宗覽之泣下 出石休詩話



僧惟鳳吊長禪師詩云霜鐘侵漏急相吊晚悲濃海客傳道  
偈林僧寫病容漱泉流落禁定石集鳴蜩回首雲門望磬  
陽下遠峯方云此詩中四句皆工一字不苟金銀秤上分  
定盤星也○賈島哭宗密禪師詩云鳥道雪岑巔師亡誰  
去禪几塵增滅後樹色改生前層塔當松吹殘蹤傍野泉  
唯嗟聽經虎時到壞菴邊又周賀哭閑宵上人詩云林逖  
西風急松枝講鈔餘凍毘亡夜剝遺偈病時書地燥焚身  
後堂空著影初吊來頻落淚曾憶到吾廬方云哭僧詩置  
島於柏岳宗密二人至矣此詩三四亦可佳第五句頗險  
夫然後知詩之難也

劉夢得哭韓將軍詩云將軍不復見儀刑笑語隨風入香

戟馬趨騎嘶引斃歌姬新嫁哭辭靈功勲客問求為誌服  
玩僧收為轉經寂寞一家春色暮日花開落浦山庭方云  
此詩工甚劉後村學唐詩慕為此等聲調而不能至也

菊坡叢話卷之十五

菊坡叢話卷之十六

科舉類

薛能省試之夜賦詩云白蓮千朵照鄜明一片承平雅頌聲  
更報第三條燭盡文昌風景寫難成復齋謾錄云杜陽雜  
編言舒光與舉進士既試脂炬三條人皆自將以余考之  
唐制如此爾故廣記云唐制舉人試院日暮許燒燭三條  
常永貽試先畢作詩云褒衣博帶蒲塵埃獨上都堂納卷  
回蓬巷幾時聞吉語棘籬他日免重來三條燭盡鐘初動  
九轉丹成鼎未開明月漸低人擾々不知誰是謫仙才又  
猶說舉場日晚試官推德輿於簾下戲云三條燭盡燒殘  
舉子之心而舉子遽蒼云八韻賦成驚破試官之膽乃知

唐制許舉子見燭三條也

詩林

王荆公有評定試卷詩云童子常誇作賦工暮年羞悔有揚雄當時賜帛倡優等今日論才將相中細甚客卿因筆墨卑於爾雅注魚蟲漢家故事真當改新詠知君勝弱翁言詞賦非所以取士也又云文章直欲看無類勲業安能保不磨疑有高鵠在寥廓未應回首顧張羅言科舉不足以得士也然皆不可

王嗣宗宋太祖朝與趙昌言爭狀元上命二人手搏嗣宗勝之故种放曰卿以手搏得狀元嗣宗嘗為泰山司理作詩云欲掛衣冠神武門先尋水竹清南村却將舊軒樓蘭劔買得黃牛教子孫

雜記

唐懿宗朝咸通中以舉子侈異衣服下令不許騎馬塲中不下千人街市皆跨長耳驢或以詩嘲之云今年勅下盡騎驢短帽長鞭滿九衢清瘦兒郎猶自可就中愁殺鄭昌圖以鄭身體肥大之甚故特譏之

金鑒故事

韋碭賦東都望幸詩云嬾修珠翠上高臺眉月連娟恨不開縱使東巡也無益君王自領美人來謝疊山云此詩乃省闈舉子聞知貢舉以秋意取其門客故以此諷之也

蘇東坡與潘三失解後飲酒詩云千金敝帚人誰買半額蛾眉世所妍顧我自為都眊眊伶君欲閤小嬋娟青雲豈易量他日黃菊猶應似去年醉裏未知誰得喪滿江風月不論錢趙彥材云撫言載唐進士失解醉飽者謂之眊眊今

句云顧我自為都耽躁則以不獨潘三失解為有耽躁之  
愁而我所為失意無一不是耽躁矣

陳無已送兄子孝忠落解南歸詩云妙年失手未須恨白璧  
深藏可自妍短髮我今能種之曉粧他日看娟娟千金市  
帚能論價萬戶封侯信有年清白傳家有如此歸塗囊盡  
不留錢○唐人赴省以詩文獻典貢舉者有詩云洞房昨  
夜停紅燭待曉堂前拜舅姑耳畔低聲問夫壻畫眉深淺  
入時無后山曉粧他日看娟娟意本此蔡蒙齋云此詩乃  
用東坡與潘三失解後飲酒詩韻

孟東野有下第詩曰弃置復弃置情如刀劍傷又再下第詩  
曰兩度長安陌空將淚見花其後登第有詩云昔日離離

不足嗟今朝曠蕩思無涯春風得意馬蹄疾一日看盡長  
安花則志氣充溢一日之間花皆看盡進取得失蓋亦常  
事而東野器宇不宏至於如此何其鄙耶高瞻下第獻高  
侍郎一絕云天上碧桃和露種日邊紅杏倚雲栽芙蓉生  
在秋江上不向東風怨未開熊勿軒云可謂知時守分無  
所怨慕斯可貴也

詩林

張景脩字敏叔常州人余大父客也刻苦作詩典雅平易時  
多佳句元豐末為浮梁令邑子朱天錫以神童應詔景脩  
作詩送之天錫到闕會忘取本州公牒為禮部所却因擊  
登聞鼓院綴景脩所送詩為證神宗一見大稱賞之翌日  
以語宰相王禹玉恨四方有遺才即令召對禹玉言不欲

一詩召人恐長浮競俟其秩滿赴部命之遂止比景脩官  
滿神宗已升遐矣詩數千篇大父元祐自湖南憲請宮祠  
歸景脩寄詩曰聞說年來請洞霄江湖奉使久勤勞有神  
仙處閑方得用老成詩退更高借宅但須新種竹尋仙想  
見舊栽桃浮梁居士塵埃甚鬢髮而今也二毛其詩大抵  
類此流落無聞亦可惜也

石林詩話

五代王仁裕知貢舉王丞相溥為狀元時年二十六後六年  
遂相周世宗猶及宗朝以太子太保罷歸班年纔四十二  
前所未有也溥初拜相仁裕猶致仕無恙嘗以詩賀溥云  
一戰文場拔趙旗便調金鼎佐無為白麻驟降恩何極黃  
髮初聞喜可知跋扈豪前人到少禁沙堤上馬歸遲立班



始得還相見親洽曾如未貴時溥在位每休沐必過仁裕  
從容終日蓋唐以來座主門生之禮猶厚今丞相王將明  
霍侍郎端友傍南省奏名時知貢舉四人安樞密安厚劉  
尚書彥脩與今鄧樞密子常范石丞謙叔吾亦忝與點檢  
試卷官鄧范不唯及見其登庸可以繼仁裕且同在政府  
則仁裕所不及也 石林詩話

呂文穆公未第時嘗遊一縣胡太監旦方隨其父宰是邑遇  
呂甚薄客有譽呂曰此君工於詩宜少加禮胡問詩之警  
句客舉其一詩卒篇云挑盡寒燈夢不成胡笑曰乃是一  
渴睡漢爾呂聞之甚恨而去明年首中甲科使人寄聲語  
胡曰渴睡漢狀元及第矣胡荅云待我明年第二人及第

輸君一籌既而次榜亦中首選

六一詩話

自科場用賦取人進士不復留意於詩故絕無可稱者惟天聖二年省試宋侯詩宋尚書祁最擅場其句有色映朔雲爛聲迎羽月溼一作融尤為京師傳誦當時舉子目公為

宋侯

六一詩話

石曼卿下第偶成集句詩曰一生不得文章力欲上青天未  
有因聖主不勞千里召姮娥何惜一枝春鳳凰詔下雖沾  
命豺虎叢中也立身啼得血流無用處著朱騎馬是何人  
又絕句云年去年來去忙為他人作嫁衣裳仰天大笑  
出門去獨對春風舞一場西清詩話云集句自國初有之  
未之盛也至石曼卿人物開敏以文為戲然後大著元豐

間王荊公益工於此王直方謂自荊公始非也

石曼卿官冊府時五鼓趨朝見二舉子擊邏舍望曼卿號呼  
請救因駐馬召邏卒問之曰昨夕里閑間有納婦者二子  
允隙以窺夜分披執曼卿刀為揮解卒長勉從之二子叩  
頭拜于馬前曼卿按轡口占絕句以調之曰司空怜汝  
須知月下敲門更有誰叵耐一雙窮相眼得便宜處落便  
宜

西清詩話

徐邁暮年宋初方得特奏狀元作詩云白髮青衫晚得官瓊  
林頗覺酒腸寬平康夜過無人問畱得宮花醒後看

蘇少公云吾兄子瞻謫居儋耳瓊州進士姜唐佐往從之游  
氣和而言道有中州士人之風子瞻愛之贈之詩曰滄海

何曾斷地脉白袍端合破天荒且告之曰子異日登科當  
為子成此篇崇寧二年隨計過汝陽以此句相示時子瞻  
之喪再逾歲矣覽之流涕乃為足之云生長第間有異芳  
風流謾下古諸姜適從瓊管魚龍窟秀出羊城翰墨場滄  
海何曾斷地脉白袍端合破天荒錦衣不日千人看始信  
東坡眼力長唐荊州每解舉人多不成名號曰天荒至劉  
蛭舍人以荊州解又第曰破天荒

詩林

魏了翁字華父宋慶元中進士第三人謝恩詩云聖皇學問  
富春秋當宵衣渴壯猷鶴立銀袍天北闕龍飛金榜殿  
西頭彤墀謬對三千字黃榜俄輸一二籌初學粗知存大  
體紛更要說洛陽羞後知紹興府端平中除樞相號鶴山

在靖州創鶴山書院聚友講書

塲屋舉子至和嘉祐間為文尚奇澁讀或不成句歐陽公力  
欲革其弊既知貢舉凡文涉雕刻者皆黜之時范景仁王  
禹玉梅公儀韓子華同事而聖俞為然詳官未引試唱和  
詩極多殿公詩云紫案焚香暖吹輕廣庭清曉席群英無  
諱戰士銜收勇下筆春蚕食葉聲鄉里獻賢先德行朝廷  
列爵待公即自慚衰病心神耗賴有群公鑒識精聖俞亦  
有萬蟻戰酌春蠶永五星明處夜堂深之句亦為諸公所  
稱及放榜平時有聲如劉暉輩皆不預選士論頗洶之未  
幾闕然以為主司惟唱酬不假詳考且言以五星自比而  
待我輩為蚕蟻因造為醜語自是禮闈不復作詩然是榜

得蘇子瞻為第二人子由與曾子固皆在選中亦不可謂  
不得人矣 石林詩話

王禹玉禮部倡和呈永叔書事詩云詔書初捧下西廂重棘  
連催暮鑰忙綠繡珥貂留帝詔紫衣鋪案拜宸香巷如驟  
雨收聲急筆似飛泉落勢長十五年前出門下最榮今日  
預東堂方云禹玉弱冠中甲科出歐公門至是十五年亦  
可謂榮速矣許光疑撰其集序謂不出都城致位宰相予  
謂岐公詩多富貴語惟如此富貴人能為之

梅聖俞較藝和王禹玉內翰詩云分庭荅拜士傾心却下朱  
簾絕語音萬蟻戰酣春日永五星明聚夜堂深力槌頑石  
方逢玉盡撥寒沙始見金淡墨榜名何日出金明池苑可

能尋詩話見前詩註下方云承平時省試諸公例有倡和  
兩不相妨是年歐陽公知舉王岐公以翰學與聖俞俱在  
院得二蘇與南豐之年也元祐三年東坡為知舉黃山谷  
李伯時俱為倡和尤盛張宛丘集後有同文館倡和數  
卷見無咎曹子方蔡天啓鄧忠臣皆與佳句無筭亦考試  
時作南渡以後此風頽落知舉監試官用從官言路之長  
小試官四十餘人雖宣鎖四十餘日未有一篇詩傳於世  
者於熟爛時文之中求天下之士賦必有一定之說經必  
拘破題四句小巧以此為了事擬見世道日衰矣歐蘇  
大老昔司文衡賦詩較藝兩用其至綽有餘蓋不可復  
見矣悲夫

海聖俞謝歐陽永叔荅述舊之作和禹玉詩云天下才名罕  
有雙今逢陸海與潘江筆生造化多辨聲滿華夷一  
降金帶繫袍迴禁署翠娥持燭侍陰窓人間榮貴無如此  
誰愛區一擁節幢此亦試院作謂禹王永叔二學士大才  
也前聯壯哉次聯麗甚又較藝贈永叔和禹玉詩云今看  
座主與門生事一相同舉世榮並直禁林司詔令又來西  
省選豪英飛龍借馬天邊下光祿供醪月底傾食葉齏聲  
句偏美當時曾記賦將成此食葉齏聲謂歐公句也王岐  
公乃歐公十五年前所取門生

揚誠齋送族弟子西赴省詩云吾家詞伯達齋翁阿季文名  
有父風筆陣千軍能獨掃馬羣萬古洗來空嗟予還笏歸



林下看子乘船入月中淡墨榜頭先快睹泥金帖子不須封方云送士人赴省及鹿鳴宴舉世難得好詩此乘船入月中一句奇

下第羅鄴詩云謾把青春酒一盃愁襟未信酒能開江邊依槽空歸去帝里還如不到來門掩殘陽鳴鳥雀花飛何處好池臺此時惆悵便堪老何用人間歲月催方云唐人下第情懷有如此者一名一第役天下士亦可怜矣

白樂天喜弟敏中及第詩云自知羣從為儒少料詞場中第頻桂折一枝先許我楊穿三葉盡驚人轉於文墨須留意貴向烟霄早致身莫學我兄年五十蹉跎始得掌絲綸後敏中新授戶部員外郎西歸又詩云千里歸程三伏天

官新身健 翩之行衝赤日加餐飯上到青雲縹緲長  
慶老郎唯我在客曹故事望君傳前鴻後鴈行難續相去  
迨之二十年

歐陽叔送鄭革先輩賜第南歸詩云少年鄉譽歎淹六  
十猶隨貢士函握手親朋驚白髮還家閭里看青衫閣酒  
空翠連衡阜門枕寒江落楚帆試向塵埃勤斗祿何如琴  
酒老雲岩宋之人才不得一第老而不休觀歐陽公送鄭  
革之詩及梁皓得第之吟豈但可以資老舉人之談笑亦  
足以厲仕進之志云

周必大以秘書少監寓直翰苑發策試王仲衡嘗賦詩寄同  
年程泰之云當年給札踏金臺重到依然六月寒學士業

誦學士策秘書官試秘書官自僻綠錦車前發尚覺青衫  
總一般寄語浙東程閣老莫矜紅旆笑儒酸程答詩求句  
有云有底滑稽堪羨處金蓮燭裏話窮酸又言子旗辰九  
月與程同試兩人名皆有大字程名大昌明年試蔣希茂  
燁姓名俱草頭又明年試王東里程千里名連里字頻歲  
偶爾亦可喜也 周益公玉堂雜記

孟郊得第有春風得意馬蹄疾一日看盡長安花之句氣局  
終短故劉後村廣州勸駕詩乃云好陳童子三篇策莫看  
唐人一日花不特翻案意新期多士者亦遠矣

十載湘江守重來白髮垂初無下車政再賦食箴詩天闊得  
鵬翼春融長挂技功名儻來事大節要須持此劉忠肅公

珙帥潭勸駕詩也可見前脩勉勵後學之意比近世例以  
倫魁相期者遠矣

蘇東坡別董傳詩云籠繒大布裹生涯腹有詩書氣自華殿  
伴老儒烹瓠葉後漢劉昆事強隨舉子踏槐花囊空不辦  
尋春馬眼亂行看擇壻車得意猶堪誇世俗詔黃新濕字  
如鴉按唐進士宴曲江公卿家傾城縱觀鈿車珠軟擲比  
而至中東搨之選者十八九坡公擇壻車之句本此

梧桐葉落井亭陰鎖閉朱門試院深嘗是昔年辛苦地莫將  
今日負初心此唐人知貢舉題試院之詩後有下第者改  
為五言末云今日負初心可嘆也

登科佳句如陳元老云桃花穩過三層浪月桂高擎第一枝

閨苑更無前進馬杏園都是後題詩劉禹錫云三春省學  
鶯遷榜一字天津馬渡橋王禹偁云青雲隨步登華榻紅  
雪飄香入杏園利市欄衫挽白帶風流名字寫紅牋鄭谷  
云丹霞照上三清路瑞景裁成五色毫韓持國云門闔闔  
闔星河近榜注神仙姓字新揚誠齋云名登龍虎黃金榜  
人在煙霄白玉京少年已號萬人敵強仕初登千佛名揚  
正叟云月中丹枝輪先手鏡裏朱顏正後生皆新奇之的  
對也

李瑪陽翟人少以文字見蘇子瞻喜之元祐初子瞻知舉瑪  
適來就試意在必得薦以冠多士及閱卷程文大喜以為  
薦無疑遂以為魁既拆號乃他人悵然出院以詩送瑪歸

云平時漫說古戰場過眼終迷日五色蓋道其本意蓋自  
是學亦不進家貧不甚自愛嘗以書責子瞻不薦已子瞻  
後稍薄之竟不第而死

石林詩話

薛逢晚年厄於宦途策羸馬赴朝值新進士綴行而出團司  
所由數十人見逢行李蕭然前導曰回避新郎君逢輟然  
遣介語曰莫貧相阿婆三五少年時也曾東塗西抹來蘇  
東坡送蜀人張思厚殿試有詩云雲龍山下試春衣放鵲  
亭前送夕暉一色杏花三十里新郎君去馬如飛用此語  
也

王平甫謂宋匪躬太祝先輩示及劉真父伯仲三人同年登  
第之詩因奉一篇云六朝文物事當奇閎闊如今舉世惟

射策人爭看三虎薦書早識孤熙集英曉日臚傳後  
苑春風宴喜時共羨絲綸歸世掌遽開駉隔鳳凰池元註  
大祝京西第一薦時予為考官

菊坡叢話卷之十六

菊坡叢話卷之十七

兵戎類

方萬里云征戰守戍大而將帥小而卒伍其情不同采薇以遣之秋杜以勞之此周之詩然也後世之邊塞非古矣從軍有樂問所從誰六月于邁言觀其師文人才士類能言之凡兵馬射獵亦在所撰

陳子昂和陸明甫贈將軍重出塞詩云忽聞天上將關塞重橫行始逐樓蘭國還向朔方城黃金裝戰甲白羽集神兵星月開天陣山河列地營曉風吹畫角春色耀飛旌寧知班定遠猶是一書生此盛唐詩渾成曉風吹畫角猶池塘生春草自然佳句亦是別用一意



沈佺期塞北詩云胡馬犯邊埃風從丑上來五原烽火急六  
郡羽書催冰壯飛狐冷霜濃候鴈哀將軍朝受鉞戰士夜  
銜枚紫塞金河裏葱山鐵勒隈連花秋劔發挂葉曉旗開  
秘署三軍動妖氛百戰摧何言投筆去終作勒銘回此八  
韻十六句無一句一字不工唐律詩之祖也時稱沈宋而  
二人皆不令終無美善而有艷才議者惜之陳子昂杜審  
言詩亦絕出一時四人之中論其爲人則陳杜之詩尤可  
敬云

駱賓王在軍中贈先還知己詩云遂轉俱行役瓜時獨未還  
魂迷金闕路望斷玉門關獻凱多慙霍論功幾謝班風塵  
催白首歲月損紅顏落鴈低秋塞驚鳬起曉灣胡霜如劔

鐸漢月似弓環別後庭邊樹相思幾度華○王楊盧駱老  
杜所不敢忽謂輕薄為文者哂之未休然輕薄之人身名  
俱泯王楊盧駱如江河萬古所不可廢也斯言厥有旨哉  
賓王史不書字武后見其繳始咎宰相失人詩多佳句近  
似庾信時有平仄字不協此篇乃字之入律工不可言  
李太白關山月詩云明月出天山蒼茫雲海間長風幾萬里  
吹度玉門關漢下白登道胡窺青海灣由來征戰地不見  
有人還戍客望邊邑思歸多苦顏高樓當此夜嘆息未應  
閑童蒙訓曰李太白詩如明月出天山蒼茫雲海間長風  
幾萬里吹度玉門關及沙墩至梁苑二十五長亭大舶夾  
雙檣中流鵝鵲鳴之類皆氣蓋一世學者能熟味之自然

不淺矣

李商隱少將詩云族亞齊安陸風高漢武威烟波別墅醉花  
月後門歸青海閱傳箭天山報合圍一朝携劔起上馬即  
如飛○竇鞏老將吟詩云烽煙猶未盡年髮暗相催輕敵  
心空在弯弓手不開馬依秋草病柳傍故營摧唯有酌恩  
客時聽說劔來讀此詩即知臂弱尚嫌弓力軟本出於此  
韓文公和裴晉公詩云旗穿曉日雲霞雜山倚秋空劔戟明  
敢請相公平賊後暫携諸吏上崢嶸蔡寬夫詩話云此退  
之和晉公征淮西時過女几山詩也而晉公之詩世無傳  
者惟白樂天集中載其一聯云待平賊壘報天子莫指仙  
山示老夫方其時意氣自信不疑如此豈容令狐楚輩阻

撓乎

晉公詩在後

王建贈索暹將軍詩云渾身著箭瘢猶在萬槊千刀總過來  
輪劔直衝生馬隊抽旗旋踏死人堆聞休聞戰心還癢見  
說烟塵眼即開淚滴先皇階下土南衙班裏赴朝回此老  
兵之常態也無此輩何以衛國不成一切都作吟詩而不  
事者耶

王荊公次韻元厚之平戎獻捷詩云朝廷今日四夷功先以  
招懷後殪戎胡地馬牛歸隴底漢人烟火起湟中投戈更  
講諸儒藝免胄爭趨上將風文武佐時慚吉甫宣王征伐  
自霄公

王岐公亦和前韻云詔收新土鳳來東四百餘年陷犬戎  
趙

嶺自橫秦塞上金城還落漢圖中輕裘坐嘯無餘粟解髮  
來庭有舊風零雨未濛音已捷不勞歸旅詠周公又聞种  
諤米脂川大捷詩云神兵十萬忽乘秋西磧妖氛一夕收  
疋馬不嘶榆塞外長城自起玉關頭君王別繪凌烟閣將  
相今輕定遠侯莫道無人能報國紅旗行去取涼州此詩  
長城自起乃兵未進討時邊人望見漢城列峙西界中故  
及之

劉長卿獻淮寧節度李相公詩云建牙吹角不聞喧亂世登  
壇衆所尊家散萬金酎士死身持一劒答君恩漁陽老將  
多迴席魯國諸生半在門白馬翩翩春草細邵陵西去獵  
平原

張司業送李僕射赴鎮鳳翔詩云由來勲業屬英雄兄弟連  
營列位同先入賊城擒惡首盡封官庫讓元功旌幢獨繼  
家聲外竹帛新添國史中天子欲收秦隴地故教移鎮在  
扶風

胡文恭公宿飛將詩云魯從嫖姚立戰功胡雛猶畏紫髯翁  
雕戈夜統千廬衛緹騎秋畋五祚宮後殿拜恩金印重北  
堂開宴玉壺空從來敵國威名大麾下多稱黑稍公此甚  
壯麗

向文簡公偶吟遣懷詩云昔為宰輔居黃閣今作元戎控  
臺萬里蒼黔慙受賜一方清晏有何才紫宸香々弥年別  
紅旆翩翩映日開將相官榮如我少不須頻獻手中盃

蘇子瞻習射放鷹詩云青蓋前頭點皂旗黃茅岡下出長圍  
弄風驕馬跑空立趁鳥蒼鷹掠地飛回望白雲生翠巘歸  
來紅葉蒲征衣聖朝若用西涼薄白羽猶能効一揮東坡  
被罪詩案云知密州日因祭常山回與同官習射放鷹作  
此詩意取西涼州主簿謝文本是書生却善用兵意以自  
比言聖朝若用某為將不減謝文也

劉貢父為人好譴其詠史詩云自古邊功緣底事多因嬖倖  
欲封侯不如直與黃金印惜取沙場萬觸骸劉後村云貢  
父詠史詩往往指王韶李憲輩唐人曹松詩亦是此意詩  
曰澤國江山入戰圖生民何計樂樵漁憑君莫話封侯事  
一將功成萬骨枯蔡家齋云張籍將軍行云邊城親戎魯

戰沒今逐官軍收得骨殖西行見萬里空幕府獨奏將軍  
功杜子美云功名圖麟閣戰骨當速朽劉灣出塞詞云死  
是征人死功是將軍功劉潛夫國殤行云嗚呼諸將官日  
窮豈知萬鬼號陰風陸龜蒙築城詞云城高功亦高爾命  
何勞惜此詩此意真足以為貪功生事輕視人命者之戒  
王維聞逆賊凝碧池作樂詩云萬戶傷心生野烟百官何日  
再朝天秋槐葉落空宮裏凝碧池邊奏管絃唐明皇遭安  
祿山之叛祿山悉搜樂工詣洛陽宴群臣於凝碧池盛奏  
樂舞樂工雷海青悲憤擲樂器於地西向慟哭時王維聞  
有凝碧之宴作此詩深寓懷憤之意後肅宗還京凡從僞  
者以三等定罪王維與焉帝在蜀時維此詩偶流傳上聞



帝怜之因宥其罪

竇鞏副使中丞初至武昌夏口書事獻府主元稹詩云白髮  
放藥韃梁王舊愛全竹籬江畔宅梅雨病中天時奉登臨  
宴閑修上水船時人興謗易莫遣鶴猜錢元稹以故相為  
武昌節度固請友封為副戎除秘少兼中丞以往鶴錢友  
封自謂也元稹既和未幾卒於任白居易復加兩韻和寄  
云旌鉞從藥韃竇僚情禮全夔龍來要地鴛路下寥天赭  
汗騎驕馬表娥舞醉仙合成江上作散作洛中傳窮巷能  
無酒貧池却有船春裝秋未寄漫道足閑錢此樂天時為  
河南尹因微之寄而和也

裴晉公度承竇七中丞見示初至夏口獻戎詩輒戲和云出

佐青溪暮來吟白雪篇須為九臯鶴莫上五湖船故慙君  
應在新聲我亦便元侯看再入好被暫留連晉公初為微  
之所忌在相位不一月而出晉公終以再入許之可謂德  
人君子矣來詩有稱鶴治船之說又聞鄂州初教成謳者  
甚工故晉公詩似識之令狐楚亦有和寄竇七中丞詩云  
仙吏秦娥別新詩鄂渚來才推今八斗賦舊三台雕鏤  
心偏許緘封手自開何年相贈答却得到中臺令狐楚時  
為吏部尚書和此詩以前任戶部尚書友為當司真外郎  
故第四句所云如此觀此五言詩足見一時人物風流之  
盛蔡寬夫詩話言未見晉公之詩故錄其酬和諸公之作  
於此

曹翰詩云三十年前學六韜英名嘗得預時髦曾因國難拔  
金甲肯為家貧賣寶刀臂弱尚嫌弓力軟眼昏猶識陣雲  
高庭前昨夜秋風起羞看圓花舊戰袍此曹武毅公平江  
南歸環衛數年不調一日內宴侍臣皆賦詩翰以武人獨  
不預乃自陳曰臣少亦嘗學詩乞應詔太宗曰卿武人以  
刀字為韻翰因以寄意云

淮陰侯兵勝而不驕乃能師李左軍此最奇特事故荆公詩  
云將軍北面師降虜此事人間久寂寥李廣誅霸陵尉則  
薄於德矣東坡詩云今年定起故將軍未肯先誅霸陵尉  
用事當知此向背

客語

曹南院為秦帥喻氏方興舉國入寇公自出禦之戰于三都

谷大敗之。哨氏遂表其墓。府獻詩云：賢守新成，蓋世功  
危方始見英雄。三都谷路全師入，十萬胡塵一戰空。  
殺氣尚凝橫塞外，捷音相繼徧寰中。君王看降如綸命，  
旌節前驅馬首紅。

后山詩話

梅昌言出鎮太原，黃覺送詩云：五馬雍容出鎮時，都人爭看  
好風儀。文章一代喧高價，忠直三朝受聖知。帳下軍容森  
劍戟，門前行色擁旌旗。雲籠古戍黃榆暗，雪滿長郊白草  
衰。出去暫開貔虎幕，歸來須占鳳凰池。蠻貊未有一莖白，  
陶鑄蒼生固不遲。梅邢自脩飾容狀，偉如得詩大喜。

貢父詩話

周盤龍以武功為散騎常侍，齊武帝戲之曰：貂蟬何如？

對曰貂蟬出於堯盤陳后山云其外大父顯公罷相建節  
出帥太原其詩云堯盤却自貂蟬出敢用前言戲武夫李  
待制師中以相業自任嘗師秦以事去其詩曰堯盤不勝  
任猶可冠貂蟬

裴度相公蔡未平數月前吳武陵自峽石望東南氣如旗鼓  
矛盾皆顛倒少選黃白氣從西北出盤蛇相交乃告公曰  
今西北王師所在黃白喜氣也敗氣為賊必亡矣故韓  
昌黎在鄆城晚飲作詩贈副使馬侍郎及馮李二員外云  
城上赤雲呈勝氣眉間黃色見歸期幕中無事惟須飲即  
是連鑣向闕時

入塞曲耿滂詩云將軍帶十圍重錦製戎衣猿臂銷弓力虬

鬚長劍威自登平樂宴新破大宛歸樓上姝姬笑門前問  
客稀蘇峰玄兔急秋草紫騮肥未舉君王詔高枕盡掩扉  
方云將帥富貴如此然千百人無一人也

菊坡叢話卷之十七

菊坡叢話卷之十八

送贈類

王民瞻送胡邦衡之新州貶所二首詩云一封朝上九重明  
是日清都虎豹開百辟動容觀奏牘幾人回首魏朝班名  
高北斗星辰上身落南州瘴霧間不待百年公議定漢庭  
行召賈生還又大厦元非一本支要將獨力柱傾危病兒  
不了公家事男子要為天下奇當日茲謫皆膽落平生忠  
義只天知端能飽喫新州飯在處江山足護持此廬陵王  
庭珪號廬溪政和八年登第調茶陵丞以上官不合去隱  
廬溪者五十年紹興八年編脩胡公銓字邦衡以和議奏  
封事乞斬王倫秦檜貶新州王作此詩送之被同邑歐陽

炎帝詩謔訕亦送辰州編管年七十矣檜祖孝宗立召除  
國子監簿尋直敷文閣年九十餘有盧溪集楊誠齋作序  
胡澹庵雷州和朱秀才渡海詩云何人着眼覩征騶賴有新  
詩作指南螺髻層層明晚照蜃樓隱隱倚晴嵐仲連蹈海  
徒虛語魯叟乘桴亦謾談爭似澹庵乘興往銀山千疊酒  
微酣胡銓自新州又移吉陽軍編管先是廣東經畧使王  
鈇以胡銓未過海嘗賦詞云欲駕輕車歸去有豺狼當轍  
奏銓唱和毀謗而有是命張棟選人項筒銓徒步過海澹  
庵此詩不少屈撓真鉄漢又過於劉器之

胡澹庵次李參政泰發送行韻答黃幹楊詩云打成大錯一  
毫差萬里去尋留子嗟微管閑思齊仲父賜奴長價漢渾



邪直窮怜我空憂國句好知君定作家便欲相携赴帆  
要觀子美賦靈槎齊仲父漢潭邪此澹庵心事也不以秦  
檜講和為然流離顛沛之死不變今秦氏安在而澹庵之  
忠肝義膽萬古不朽也識此詩以見張魏公之貶岳武穆  
乙死趙李胡三公海外之甯南渡之業所以不振而至於  
厭々無氣愈弱愈下者誰實為之此非常之痛無窮之悲  
不但為二三君子悵然也

曾茶山聞李秦發參政得旨自便將歸以詩送之云苦遭前  
政墮危機二十餘年款式微天上謫仙皆欲殺海濱大老  
竟來歸故園松菊猶存否舊日人民果是非最小郎君今  
弱冠別時聞道不勝衣秦檜謫三大賢於海外趙丞相

鼎李參政光胡編脩銓又書其姓名於格天閣下必欲殺之趙先卒李胡皆生還

宋景文送越州陸學士詩云梅天霞破候旗乾鄉樹依然越絕間挾策當年逢掖去懷章此日繡衣還亭餘內史浮觴水路入仙人取箭山牛酒盛誇先墅宴不妨春詔得親班王景文留別虞樞密詩云太倉宇宙久陳之合與英豪共挽新修造鳳樓須有手住持烏寺可無人千官禮絕三司貴一士心歸萬國春藉與八風吹六翮飛騰意度不無神劉後村續詩話云王質景文與王樞使公明詩云試看公出手毋謂我無人與虞丞相云寄身江漢歸無所開眼乾坤見有公甚雋快此詩鳳樓烏寺之聯我於自驚矣

劉景文寄蘇內翰詩云倦壓鰲頭請左符笑尋顙尾為西湖  
二三賢守去非遠六一清風今不孤四海共知霜鬢微重  
陽曾插菊花無聚星堂上誰先到欲傍金樽倒玉壺此詩  
六一清風一聯已佳四海重陽一聯不惟見天下人共惜  
東坡之老又且開慰坡公隨時消遣不必以時事介意也  
劉夢得送渾大夫赴豐州詩云鳳衛新詔降恩華又見旌旗  
出渾家故吏來辭辛屬國精兵願逐李輕車邇來君長迎  
風懼錦領酋豪踏雪衝其奈明年好春日無人喚看牡丹  
花夢得詩句之精絕其集曾自刪選故多佳者視樂天之  
易不侔也

梅聖俞送唐紫微知蘇州詩云洞庭五月水生寒蘆花揚梅

已滿盤泰伯廟前看走馬闔閭城下見驂鸞長娃結束迎  
新守府吏趨跼拜上官曾過揚州能慣否劉郎盛衰勸須  
寬聖俞詩似唐人而渾後過之如此篇者是

王平甫送德之郎中提刑廣西詩云天扶開寶至熙寧和氣  
薰蒸瘴癘停五管閭閻如按堵六朝仁聖喜祥刑欲推恩  
澤求膚使果見謀猷簡大庭嗟我白頭甘抱檟看君歸日  
上青真此善言朝廷祥刑脉絡語意一串

蘇子由送龔鼎臣諫議移守青州詩云稷下諸公今幾人三  
為諫議髮如銀梁王宮殿歸留鑰尚父山河屬若臣沂水  
絃歌重魯點菑川故舊識平津過家定有金錢費千里爭  
看衣錦身又西山負海古諸侯信義東南第一州勝槩未

容蔡地險奇花僅比洛城優新絲出盎冬裘易貢棗登塲  
歲事休鈴閣虛閑官釀熟應容將佐得遨遊

周益公嘗問陸放翁作詩之法放翁對以宜讀子由詩蓋  
詩病忌對偶大過如此則有形而無味三洪工於四六而  
短於詩殆胸中有先入者而難化也放翁其以此箴益公  
歟或問蘇子瞻勝子由否予以子瞻浩博所謂詩濤湧浪  
之也不若所謂詩骨聳東野則易學矣子由詩淡靜有味  
不拘字面事料之憊而鍛意深下句熟老坡自謂不如子  
由識者宜細咀之可也

曾茶山送壻呂倉部治先守齊安詩云齊安刮竹要循良分  
付吾家坦腹郎勝有江山連赤壁畧無訟獄到黃堂鈴齋

畫永宜深念邊瑣秋高合過防此地元之遺烈在勉旃  
未鬢毛蒼呂倉部大器字治先茶山之壻是生東萊先生  
呂成公黃堂赤壁深念過防四句皆佳

樓攻媿送王伯奮守筠陽詩云三槐名德萃清門七葉爲州  
賴有君道院無忘山谷賦郡齋當寄穎濱文君應滕上麟  
文度我向東床憶右軍振起家聲差易耳便看奏最臨青  
雲攻媿集有別王恭叔詩別長女侑詩云遠侍雙親官道  
院爲同盡室餞西橋又云老我年來百念輕文姬助我以  
琴鳴蓋攻媿長女侑嫁王恭叔隨侍其父赴筠守也此詩  
三四切於其州五六用王氏二事以見伯奮之愛子已之  
愛壻皆工

楊誠齋送丘宗卿帥蜀詩三首人似隆中漢卧龍韻如江左  
晉諸公四川全國牙旗底萬里長江羽扇中玉壘頻清關  
宿霧雪山增重起秋風近來廊廟多西帥出相誰言只在  
東又諭蜀宣威百萬兵不洎號令自精明酒揮勃律天西  
枕鼓卧蓬婆雪外城二月海棠傾國色五更杜宇說鄉情  
少陵山谷千年恨不遇丘陵眼為青又蜀人詫蜀不能休  
花作江山錦作州老我無緣更行脚羨君來歲領遨頭碧  
鷄金馬端誰見酒肆琴臺訪昔遊收入西征詩集裏憶儂  
還解記儂否

右見江東集

尤延之送吳待制帥襄陽詩云方持紫橐侍西清忽領雄藩  
向暑行誰謂風流貴公子甘為辛苦一書生詞源筆下三

千牘武庫曾中十萬兵從此君王寬北顧山南東道得長  
城又欲將盤錯試餘鋒故擁旌麾訖外庸南峴北津形勝  
地前羊後杜昔賢蹤不妨倒載同民樂自有輕裘折虜衝  
努力功名歸報國莫思山月與林鍾元注公詩飽看七寶  
山頭月慣聽三茅觀裏鍾此吳環也琚之弟高宗吳后之  
姪

韓無咎送陸務觀得倅鎮江還越詩云高文不識溪雲棧猶  
得聲名動九州金馬漸登難避世蓬萊已近却回舟燒城  
赤舌知何事許國丹心惜未酬歸卧鏡湖聊洗眼雨餘萬  
壑正爭流放翁詩亦有云赤口能燒萬里城

王半山送張仲容赴杭州孫公辟詩云萬屋相誇膝與丹笑



歌長在綺紈間綵船春戲城邊水畫燭秋尋寺外山憶  
屢隨遊客入喜君今赴辟書還達知曼倩威行久亦筆  
從到日閑李叅政注孫公汚也杭州之盛自五代至宋繁  
華久矣百五十年行都詩愈多而佳者愈不以求能盡得  
之也

鄭毅夫奉詔赴瓊林苑燕餞太尉文潞公出鎮西都詩云都  
門秋色滿旌旗祖帳容陪醉御卮功業迥高嘉祐末到

和中首德

建儲之策精神如破具州時匣中寶劍騰霜鏐海上仙桃

壓露枝

登公之子近有

昨日更聞褒詔下別刊名姓入承襲

白居易詩獻裴晉公有云聞說風情筋力在只如初破蔡  
州時同此意也

王和甫和餞詩云名德曾來重西夷朝廷今日見官儀陪祠  
自冠三公位分陝猶為百世師金谷望塵多蒼輶變林臆  
餞盡永疑都人喜見旆旌美寧識勲名在鼎彝

劉禹錫赴蘇州酬別樂天詩云吳郡魚書下紫宸長安廐吏  
送朱輪二南風化承遺愛八詠聲名躡後塵梁氏夫妻為  
寄客陸家兄弟是州民江城春日追遊處共憶東都舊主  
人樂天嘗守蘇今夢得亦往守此故有承遺愛躡後塵之  
語梁鴻孟光嘗共吳二陸機雲昔為吳人今到蘇凡寄  
寓之客及在郡士人興太平相追遊者當共憶樂天即舊  
主人也善用事筆端有口未易可及

姚合贈劉義詩云自君離海上垂釣更何人獨宿空堂雨閒

行九陌塵避時曾變姓救難似嫌身何處相期宿咸陽酒  
市春此劉義豪俠之士嘗殺入亡命此詩殆義之真像也  
贈竇五判官常渠半詩云故舊相逢三兩家愛君兄弟有盤  
華文輝錦綵珠垂露逸興江天綺散霞美玉自矜頻獻璞  
真金難與細披沙終須撰取新詩品更比芙蓉出水花此  
詩極工乃渠半自稱重表兄弟竇萍也

竇萍酬謝詩云大賢持贈一明璫逢華初驚蒲室光埋沒  
劍中生紫氣塵埃瑟上動清商荆山璞在終應識楚國人  
知不是狂莫恨伏轅身未老曾將筋力見王良此詩亦足  
以賞渠半之賜

酬竇大閑居見寄房儒復詩云來自三湘到五溪清風無樹

不猿啼名慙竹使宦情少路隔桃源歸思迷鵬鳥賦成知  
性命鯉魚書至恨睽携煩君強著潘年比騎省風流詎可  
齊竇大者名常所寄詩後四句云蝸舍喜時春夢覺隼旟  
行與瘴江清新年且可三十二却笑情郎白髮生故有此  
荅

李虛已和內翰楊大年見寄詩云鼇冠三峯碧海寬謠初  
下藹芝蘭探珠宮裏驪龍睡織錦機中綵鳳盤藥物蒼苔  
錢作點粉牆脩竹玉為竿閑從蝶夢親鳬鳥曾得安期九  
轉丹此詩三四頌楊文公所作如探珠織錦五六言翰苑  
景物又謂夢中親炙承神仙丹點化之力酷有真體

陳后山贈田從先詩曰衣冠魯國動成羣夢思相從只有君

落筆如流寧蹈襲行前慙敵却紛紜愧非伏老成和伯喜  
有侯巴守子雲意氣有餘工用少相忘千里定能勤晚唐  
詩諱用事然前輩善作詩者必善於用事此於師弟子間  
引兩事用之有何不可

又贈王聿脩商子常詩曰欲作新詩挑兩公含毫不下思  
無窮貪逢大敵能無懼強畫脩眉每未工長病忍狂妨痛  
飲晚雲朝雨滯晴空正須好句留春住可使風飄萬點紅  
此詩能字每字乃是以虛字為眼非此二字精神何在善  
吟咏古詩者只點綴一二好字高唱起而知其用力著意  
之地矣

陳簡齋贈漳州太守綦叔厚詩云過盡蠻荒興復新漳州盡

戟擁詩人十年去國九行旅萬里逢公一欠伸王粲登樓  
還感慨紀瞻起召欲逡巡繩床相對有今日賸醉齊中軟  
脚春

白樂天寄太原李相公詩云聞道北都今一變政和軍樂萬  
民安綺羅二八圍賓榻組練三千夾將壇蟬髮應謬丞相  
少貂裘不覺太原寒世間大有虛榮貴百歲無君一日歡  
此詩第五句頗於戲語中存規戒第六句對得妙

舒雅荅內翰學士詩云清貴無過近侍臣多情猶憶舊交親  
金蓮燭下裁詩句麟角峯前寄隱淪和氣忽飄燕谷暖好  
風隨起蘭庭春緘箴便是山家寶留與兒孫世不負

元稹簡賀冲之相公拜相詩云天聖中年挂藉人而今二十

五面春親逢舜燭圖鄰弼首見堯龍秉化鈞百辟望公承  
約束四方多士仰經綸為儒富貴皆隆極惟祝功名日  
新

劉禹謨上呂相公詩云重名清望徧華夷恐是神仙不可知  
一舉首登龍虎榜十年身到鳳凰池廟堂只似無言者門  
館長如未貴時除却洛京君守外聖朝賢相復書誰方云  
此必為呂蒙正作劉昌言泉州人仕至同知樞密中二聯  
世所共稱

陸放翁寄姜梅山詩云章臺官柳映宮槐寶馬蹄輕不動埃  
只性好詩無與敵誰知古學有從來江山常逐客帆遠歲  
月不禁衙鼓催剩約東鄰投淨社高情千載友宗雷方云

此時首聯乃教人作詩之法不可強握必有本者如是姜  
梅山和復詩云午庭風雨撼高槐一洗城頭十丈埃老子  
坐間尋句好故人門外寄詩來勁鋒久服穿楊妙鈍思深  
慚擊鉢催清佩左符君未可要聽吟思發春雷此放翁為  
禮部時倡和詩也

劉後村贈高九萬并寄孫季蕃詩云諸人凋落盡高叟亦中  
年行世有千首買山無一錢紫髯長拂地白眼冷看太古  
道微如縑吾儕各勉旃又菊圃說花翁飄零向浙中無書  
上皇帝有句惱天工世事年々異詩人箇箇窮禁臺并下  
榻今豈乏英雄方云高九萬詩俗甚為老妓詩二首尤俗  
於後村孫季蕃老於花酒以詩禁僅為詞皆太平時節開



人也

高子勉荅黃山谷詩云四篇詩得裏蹄金妙旨初臨法語尋  
要我盡除兒子氣知公全用老婆心平章許事真難可付  
囑斯文豈易任感激面東岳涕泗高山從此少知音高荷  
子勉江陵人以五言律三十韻贊見山谷中有曰蜀天何  
處盡巴月幾回彎點檢金閨考飄零玉荀班尚全宗廟器  
猶隔兒門關山谷賞之遂知名和山谷六言皆佳蠟梅絕  
句尤奇和王子予章華碑有云威強九鼎俱喪亂一臺成  
亦可喜後知涿州卒詩入江西派考藥詩云勃興連穀兩  
國位次花王春盡詩云佳人鬪草百稚子擊毬雙謁馬中  
玉云辨雖豪白馬謬亦困青蠅皆可取也

王操上李相公詩云弱冠登龍入粉闈少年清貴古來稀  
油中詔草朝天去頭上宮花侍宴歸卓筆玉堂寒漏迥  
燒麝池館水禽飛三台位近猶謙遜閑聽秋霖憶翠微  
詩話或以詔草為病為無雙草以朝天子者予謂不然凡  
詔雖寫真本豈不以草本袖而同行乎又或有以草本寄  
進者此無害也

方虛谷詩選

韓子蒼詩云憶昨昭文並直廬與君三歲侍皇居花開輦路  
春迎駕日曉蓬山曉曝書學士南來尚散冗神州北望已  
丘墟忽逢漢節滄江上握手西風淚滿裾此作全用常蘇  
州詩為之常詩云與君十五侍皇闈曉拂爐煙上赤墀花  
開漢苑經過處雪下驪山沐浴時近臣零落今猶在仙駕

飄飄不可期此日相逢非舊日一杯成喜又成悲  
蘇齋詩話

韓持國過孔寧極處士山居又與孔寧極別後懷寧極二詩  
極雍容簡遠其過寧極詩云驅車上橫隴西秦龍陽道青  
烟人幾家綠野山四抱鳥啼春意闌林變夏陰平知近先  
生廬民風故淳好其別後詩云雨滴庵上茅風亂窓外竹  
繁聲夜入耳欲寐不得熟永懷歸田客石徑滑馬足連山  
暗秋霧一燈何處宿 同上

資治通鑑刊成賜執政從官又曾預編校者張芸叟以詩謝  
范純夫有云我投湘水五千里公滯周南二十春純夫和  
云六世承平有史臣細書東洛布成均網羅遺逸三千載

等削興亡十九春  
天作冠篇墳典大  
上思稽古憲章新  
烏臺御史詞誰校  
頭白今為汴南人  
晁氏客語

白樂天開楊十二新拜省郎  
遙以詩賀云  
文昌新入有光輝  
紫界官牆白粉闌  
曉日鷄人傳漏箭  
春風侍女護朝衣  
雪飄歌句高難和  
鶴拂煙霄老慣飛  
官職聲名俱入手  
近來詩客似君稀  
元註向曾  
有贈楊詩落句云  
不用更教詩句  
好折君官職是  
聲名今故云  
俱入手此楊巨源也